

第四一册

博物彙編

藝術典

星命部

卷  
五—六

古今圖書集成

中華書局影印



古今圖書集成

中華書局影印

欽定古今圖書集成博物彙編藝術典

第六百五卷目錄

星命部彙考四十一



二命通會十三論正財 歲帶正馬 特帶正  
 天元坐財 論備財 財旺生官 財臨庫墓  
 命從財 日坐天財 備正財合論 論印殺  
 鬼化爲印 陽刃化印 特逢生印 胎胎  
 印殺 乘印就財 論倒食 論雜氣 附論  
 墓運

藝術典第六百五卷

星命部彙考四十一

三命通會十三

論正財

喜身旺 印殺 食神 逢財看官  
 以食爲引 忌身弱 比肩 羊刃  
 空絕 衝合 一曰財星

二曰天馬星 三曰催官星 四曰壯志神

正財者乃甲見己乙見戊之類受我剋制爲我之妻  
 譬人娶妻妻齋財嫁我我必精神康強而後可享用  
 若衰微不振雖妻財豐厚但能目視終不得用故財  
 要得時乘旺不偏正混亂不重疊多見自家日主有  
 力皆能發福若財多身弱柱無印助財少身強柱有  
 比劫太過不及皆不爲福經云傷妻疊財輕身旺  
 弟兄多又云財多身弱反爲富屋貧人珞珠云大按  
 天元羸弱官吉不及以爲榮縱鄧通鑄錢終身不富  
 而餓死是也若月令得財局身衰逢印資助當作富  
 論如先見印却怕見財獨步云先財後印反成其福

先印後財反成其辱是也用財不宜明露柱見比劫  
 則宜透出使人共見則不能奪賦云財宜藏藏則豐  
 厚露則浮蕩是也凡財格喜見官星顯露別無傷損  
 或更食生印助日主健旺富貴雙全如干支見殺亦  
 能享用即逢財看殺之義大怕梟奪則不能生刃劫  
 則不能享庫逢空則不能聚如甲生午月見壬傷丙  
 卯破乙奪乙生巳月見癸傷丁亥破甲奪壬生戌月  
 甲子旬戌落空亡之類餘以例推又曰財爲養命之  
 源凡人八字不可無財但太多多則不清若柱  
 原無財而行財運乃有名無實如財多身弱又行官  
 鄉財旺之地見財盜氣官尅身不惟不發祿且禍患  
 百出又曰財爲馬官爲祿二者不可缺一實難兩全  
 原有財星宜行官運原有官星宜行財運行財運生  
 官行官運發財若柱中原無官星只是財多又行財  
 運亦能成就名利間有登科者蓋財不畏多多則暗  
 生官也須得身旺方能勝任若無財官多身受其制  
 反不爲吉柱中無官只取有財爲福又曰財官與殺  
 用月支者所謂以支爲命日干者所謂以干爲祿若  
 月支有財官干頭不露自足爲福若地支無財官干  
 頭明露乃虛詐無實之命縱行旺運亦不濟事苟月  
 支無而年時日支有亦可取用月地支坐財官謂之  
 得時日地支坐財官謂之得位時地支坐財官謂之  
 有成得時爲上得位次之有成又次之兼得一二尤  
 妙年主祖父富貴中年後無用又云庚辛日生於正  
 月別位有火爲殺以尅庚辛雖年月見寅卯亦無祖  
 財一生熬煎遇發財處必成災禍以木旺生火害日  
 干之金天元羸弱財黨殺生不能爲福又云正財之

格主人誠實行事儉約賦性聰明惟有怪吝者若財旺  
 身衰主妻秉男權持家幹蠱又主有好子替力反得  
 優游之樂運行比劫妻妾多危獨步云財旺生官富  
 而且貴露官藏財無不高位藏則豐厚露則虛費衝  
 者宜透實則滋利玉匣云甲乙建逢戊己路溫兩入  
 中書與旨云我去尅他爲妻財干強則富又曰身弱  
 財多喜兄弟羊刃爲助又云財旺者遇此無妨又云  
 財星有破費祖風別立他鄉又云妻財明朗喬木相  
 求財星入墓必定刑妻支下伏財偏房寵妾口訣云  
 財星太過愚又云大運流年三合財鄉必主紅鸞吉  
 兆元機賦云財多身弱畏入財鄉又云財多身弱身  
 旺運以爲榮身旺財衰財旺鄉而發福通明賦云財  
 逢印助相如乘駟馬之車又曰日邊正馬有助有生  
 名揚天下千里馬云逢財忌殺而有煞十有九貧  
 財多身弱妻話偏聽財星得位因妻致富成家財遇  
 長生田腴萬頃財旺生官白身榮顯元理賦云大貴  
 者用財而不用官又云財臨旺地人多福又云孤寡  
 者只爲財神被劫寶鑑賦云范單孤貧五行財重林  
 阜九子財旺生官定真篇云財旺生官少年承澤祿  
 訣云財生身旺兩相停不喜再見比肩萬金賦云只  
 怕日干元自弱財多生殺起身衰財多身弱行財運  
 此處方知下九臺萬祺云正財逢生旺而優游享福  
 遇劫財則晦滯呻吟官星若見平生惹是招非七殺  
 若逢處事少成多敗財旺身衰禍深福淺財多身弱  
 要印扶身身旺財衰怕劫分奪財食入庫者福厚倒  
 食求財者貧天詩曰正財喜旺食豐盈日主剛強力

可勝若是財多身自弱平生破故事無成又正財還與月官同最怕干支遇破衝歲運若臨財旺處須致

得富勝陶公又身弱財多力不勝生官化鬼反來侵財多身健方為貴若是身衰禍更臨又正財切忌劫

財神破害刑衝不可論歲運那堪逢刃地命延不死也遭迤又財星得位正當權日主高強各利全印綬

若逢相濟助金珠滿櫃福綿綿又身旺無官只取財財神衝破却為災身衰財旺還知天官盛身強福祿

媒又庚辛卯月多逢木日主無根却怕財離震二方多有破若逢身旺福還來又財多全仗印扶身喬木

家聲有舊名不但妻賢兒子秀晚年財帛累千金又財多如何不發財只因身弱少培栽運到比肩身旺

地富貴榮華次第來又財多身弱慢勞神戶大家虛反受貧親友交財常怨恨眼前富貴似浮雲又財多

身弱刃剛強身旺之鄉大不祥鳳寡鴛鴦寒夜怨房中妻哭兩三場又財命相當人必耐一世安然身康

泰縱使流年有財傷浮災小撓無妨害又財神忌透只宜藏身旺逢之大吉昌切忌比劫相遇會一生名

利被分張又日主無根財犯重全憑時印助身官逢生必有與家福破印紛紛總是空又正財無破乃生

官身旺財生祿位寬身弱財多徒費力財輕分奪禍多端又財多身旺足榮歡身旺財多化作官身衰財

多財累己是非不競起爭端合諸說觀正財喜忌見矣

歲帶正馬

如甲日午年己乙日巳年戊喜忌與月干正財同若歲帶正馬生辰戌丑未月或夏令月中己土旺相不

犯刑衝分奪日干乘旺主受祖業豐厚若生寅卯月令柱中更帶比劫或運行傷劫之地必主貧困

時帶正馬

如甲日見巳午時之例無衝刑破劫主招美妻得外來財物生子榮貴財產豐厚此非父母之財乃身外之財招來產業宜儉不宜奢

財旺生官

繼善篇云富而且貴定因財旺生官蓋財有生官之理既取財為用不要見官若見官則為財官格矣柱有傷食雖財厚亦不能生官如戊己以亥子壬癸為財以寅卯甲乙為官若壬子癸亥月四柱不見寅卯甲乙是為財旺生官如此元命因富致貴或納粟及儀賓之類若月令財無損尅亦主登科透庚辛則不能生不以此格論又云辛見甲為正財四柱干支木旺似為有火如見壬寅別位帶子辰亥即濕木不能生丙火則辛無官矣又如庚合乙木為財生丁火為官柱見癸卯或年月日時上有水亦是濕木有財無官陶朱云庚尅乙辛尅甲而遭刑尅為壬癸水傷官故也干干例推

財臨庫墓

經云納粟秦名財庫居生旺之地如辰為土財庫生於秋旺於冬丑為火財庫生於夏旺於秋未為金財庫生於冬旺於春戌為水財庫生於春旺於夏假令金以木為財庫於未辛未日生是臨財庫庚日生未時亦是身臨財庫生冬月謂之財庫居生地生春月謂之財庫居旺地主一生財帛豐厚因財致富古歌曰六辛坐未休嫌弱土透天干反有功身旺何愁金

水旺傷提方見壽元終丁火旺於未辛坐未是謂衰弱辛以卯中乙木為財庫於未若得四柱天干透土藉印生身變弱為強雖金生水水生木財庫旺甚吾木能任為福若提綱是卯行酉運衝提方損壽元辛生坐未天干無土以身弱論是財庫居生旺亦要身自旺也

天元坐財

如庚辰辛卯日春生甲乙木為財喜戊己印生身壬癸食生財忌庚辛金劫奪切不可歲逢官殺即春月金弱不能勝任反不為福甲午乙未日夏生己土為財甲辰日夏生戊土為財丙戌丁丑日秋生辛金為財喜忌俱與前同惟壬午癸巳二日祿馬同鄉不專以財論

論偏財

何謂偏財乃甲見戊乙見己之例非妻所帶乃眾人之財也切恐有姊妹兄弟分奪柱無官星禍患百出經曰偏財好出亦不懼藏惟怕分奪及落空亡有一於此官將不成財將不住如財弱必待歷旺鄉而榮財盛無往不利但恐身勢無力不能勝任偏財格主人慷慨不甚吝財與人有情而多詐若是得地不止豐財亦能旺官以財盛自生官運行旺相福祿俱臻一遇官鄉便可發福如柱中原帶官星便作好命看若兄弟輩出縱入官鄉發福必渺偏財月令所帶最重不宜柱中多逢年上偏財生旺月令柱中通氣主受伯叔祖考產蔭豐隆或外祖產業恩養大要日主與隆財星生旺運向財旺之鄉發福若見刑衝破害比劫分奪或財星太衰日主太弱或財多生殺皆破

祖勞碌之命凡月令有財主少年富貴若生時不得地或有劫敗更運臨凶地晚年祖財破盡終身困窮先富後貧若年月本無日時帶財別無劫衝尅則主自家成立中晚之年大發若柱中財多身弱少年又經休敗之地多事煩併百不如意中末年後忽臨父母之地或二合可以助我則勃然而興若少年乘旺老來脫局不惟守窮途而恹惶抑且是非蜂起以財能利己亦能招誘故也若四柱相生別帶貴格不值空亡又行旺運三合財星皆是貴命其福祿淺深隨格輕重言之又曰凡人命有兩位財身弱不妨元用正財身旺發財元用偏財身旺脫財又云偏正二財喜忌大同惟有喜官星不喜官星小異有正財不若有偏財偏財重實其福則厚最怕劫敗比肩在年最重在月稍次一名孤辰一名逐馬主尅妻害子破財貧薄又防陰賊小人同類相傷柱中元犯此忌運行財旺之地亦可發福再行比劫退敗而身死者有之遺官破敗者有之通明賦云月上偏財無劫無敗富甲人間相心賦云偏財透露輕財好義愛人趨奉好說是非嗜酒貪花亦係如此驚神賦云偏財身旺越求商賈之人與旨云偏財能益筭延年千里馬云出現偏財少愛正妻多愛妾古歌云偏財格遇最難明日旺却從高路行一世因財人誘訕財多身弱惹災生又偏財非是自己財最怕比肩同位來劫敗不逢日主健家資當發孟嘗財又偏財元是衆人財最忌干支兄弟來身強財旺皆爲福若帶官星更妙哉又若是偏財帶正官劫星若露福難干不宜劫運重來併此處方知禍百端又偏財身旺要官星運入官

鄉發利名姊妹弟兄分奪去功名不遂禍隨生又偏財財位發他鄉慷慨風流性要強別立家園三兩處因名因利自家忙又偏財別立在他鄉寵妾嫌妻更尅傷多慾多情妻妾聚更宜村酒野花香合諸說觀偏財喜忌可見

### 時上偏財

喜忌篇云時上偏財別官忌見又云時上偏財怕逢兄弟如甲日見戊辰或甲戌時之例喜見辛官壬癸生助忌庚殺乙劫柱中不宜再見戊己若身太旺運東方寅卯則失財餘干例推此與時上偏官格相似只要一位不宜多逢天元透出爲妙支內所藏次之柱有官印相助日主健旺便作好命看大怕年月衝破兄弟輩出則福氣不全景鑑云偏財時上慷慨浮輕最宜身強財旺切忌比類相逢主旺兮吟嘆仕路日柔兮縱富決貧通明賦云時上偏財身主旺白屋公卿古詩云偏財時上喜干強運入財鄉發祿難兄弟更來相劫奪縱然富貴也多怪又時上偏財衝最忌兄弟之輩皆爲畏喜行身旺官祿鄉別無透出方爲貴又時上偏財不用多支干須要用搜羅喜逢財旺兼身旺衝破傷官受折磨又時上偏財一位逢不遭衝破享榮豐比肩劫財還無遇富貴雙全比石崇又時上偏財遇劫辰田園破盡苦還貧傷妻損妾多遭辱食不相資困在陳

### 專財

乃丙日見丙申時甲日見己巳時丙之祿在己丙既坐申引己刑出庚金丙日尅之爲財已與申合兩干皆丙是爲專財運行官旺財神不背大發財官忌行

傷官劫財衝刑破祿之運甲日己巳時要身財俱旺生木旺月喜土多生土旺月喜木多丙日亦然如甲辰戊辰丙申丙申癸酉庚申丙子丙申二命專財格也古詩云專財丙日見申時運至官鄉福更奇須登象簡金魚貴福壽雙全事事宜

### 棄命從財

獨步云棄命從財須要會財若逢根氣命損無精假如丁生酉月柱多庚辛日干無氣只得棄命相從運入北方財官旺地乃爲人格南行災古歌曰日干無氣滿盤財棄命相從是福胎運旺財官皆富貴如逢根助反爲災

### 日坐天財

如戊己土尅木爲財水墓辰是也古歌云年干尅下是天財尅墓之鄉正庫開財入庫時多聚帛家豪金物積成堆如畢狀元己巳癸酉庚辰甲申是也

### 偏正財合論

精紀有生成財如甲乙見戊己土爲財申子辰上坐生旺庫戊申戊辰戊干支干成合是也凡命入貴格除貴外須主大富仍多歷錢穀之任若不入貴格又無福神助亦是富豪百姓若自生自旺甲人見戊午己亥之例主富餘做此有生合財如甲人見戊癸己人見癸庚人見甲己等類主成立富貴有子母財如木命人見火月土日時之類主平生多見喜事有類財殺寅午戌人見乙庚巳酉丑人見丁壬申子辰人見戊癸亥卯未人見甲己一名幽微殺主名利並行有財會殺寅午戌人見辛丑巳酉丑人見乙未申子辰人見丙戌亥卯未人見戊辰此妻財聚會之神

遇者主富足及有美妻橫財却妨妻人毒藥害命有  
 名位財乃食神中見庫如戊子火人見庚戌戌食庚  
 火庫在戌尅金為財逢此者一生受祿有長生財如  
 甲用戌己為財見戌申癸用丙丁為財見丙寅之例  
 多得外財又曰術者多以甲見戌乙見己類為財不  
 知甲己見丙辛丙辛見戊癸等類為真財生居有氣  
 旺相之位主富盛又納音本干自見真五行如乙亥  
 人月日時中見庚乙亥納音火乙庚真金干頭是財  
 此名天財主富足優逸若納音反制尅干頭如丁卯  
 火却能制乙庚金此名鬼財主一生得世財或為豪  
 猾胥吏起家戊寅戊申得丙辛乙酉乙卯得戊癸准  
 此更帶辰戌丑未主為藝術大獲世財又曰祿命身  
 三等財庫如甲子金甲為祿屬木木尅土故土為祿  
 財土墓在辰是為祿財庫也子為命屬水水尅火故  
 火為命財火墓在戌是為命財庫也金為身金尅木  
 故木為身財木墓在未是為身財庫也主財產豐盈  
 少年辛苦漸老方遂有歲制月建如甲乙人在辰戌  
 丑未丙丁人在申酉等類若人遇之主職位崇高印  
 綬顯赫若身衰不能尅財如壬寅金見戌辰木丁卯  
 火癸酉金之類不能尅制翻成損氣餘做此推

論印綬

喜食神 天月德 七殺 逢印看殺

以官為引 忌刑衝 傷官 死墓 丑未印不

怕木 辰戌印怕見木 一曰正印 二曰魁星

三曰孤極星

印綬者乃五行生我之名如甲乙在亥子月丙丁在  
 寅卯月之類乃我氣之源為生氣為父母能護我官

星使無傷尅譬人生得物相助相養受現成之福豈  
 不為妙此格主聰明多智慧性慈惠語善長遲訥體  
 貌豐厚能飲食平生少病不逢凶橫但吝財耳為官  
 多為正官受宣勅不拘文武皆掌印信喜官星以官  
 能生印經云印賴官生又云有官無印即非真官有  
 印有官方成厚福是也忌財星以財能破印經云月  
 生日干無天財乃印綬之名又云印綬被傷倘若榮  
 華不久又云印綬生月歲時忌見財星運入財鄉却  
 宜退身避位是也歲運同論印綬不逢損傷多受父  
 母庇廕資財見成安享富貴諸命相比當以印綬多  
 者為上月最要日時次之年年雖重須歸祿月日時  
 方可取用若年露印月日時無亦不濟事四柱原有  
 官星為妙若印綬少官鬼多或入他格又不可專言  
 印綬若印綬復遇拱祿專祿歸祿財貴夾貴時貴等  
 格尤為奇特但主少子或無子印綬多者清孤拘集  
 云印多則清孤不免是也凡印綬喜七殺但殺不可  
 太多多則傷身原無七殺行運遇之則發原有七殺  
 行財運或印綬死絕或臨墓地皆凶經云殺能生印  
 畏行財鄉破印助鬼決主不祥又云印墓則壽夭難  
 迷是也凡格喜身旺惟印綬喜身弱若元局帶財傷  
 印運行比劫身旺亦能發福無則不宜如無官殺財  
 神又行身旺主平常淵源論印綬如甲日遇子月為  
 正印亥月為偏印最喜逢天月德在天德在月德  
在甲寅時要見酉辛正官為妙或申庚七殺却要見比  
劫助身合殺為貴畏戊己財星損印忌丙丁食傷生  
財破印乙逢亥子月喜忌與甲同丙日逢卯月正印  
天德在坤月德在甲寅月偏印天德在丁月德在丙

喜見子癸正官或壬亥七殺却要比劫助身合殺畏  
 申庚酉辛財星損印忌戊己食傷生財破印丁逢寅  
 卯月喜忌與丙同戊日逢午月正印天德在亥月德  
 在丙巳月偏印天德在辛月德在庚喜逢卯乙正官  
 寅甲七殺見殺却宜比劫助身合殺忌見壬癸子財  
 壞印庚辛食傷生財破印己生己午月喜忌與戊同  
 庚日生午月正印天德在乾月德在丙巳月偏印天  
 德在辛月德在庚喜見午丁官星巳丙七殺見殺却  
 宜比劫助身合殺忌甲乙寅卯旺財壞印壬癸傷食  
 生財破印辛生巳午月喜忌與庚同壬日生酉月正  
 印天德在寅月德在庚申月偏印天德在癸月德在  
 壬喜時逢巳午正官或己戊七殺却宜見比劫助身  
 合殺忌丙丁旺財壞印甲乙傷食生財破印癸生申  
 酉月喜忌與壬同經云官刑不犯印綬與天德同官  
 又曰素食慈心印綬喜逢於天德如孟重都憲乙亥  
 丁亥乙丑丙戌是印綬與天德同官一命甲寅丙寅  
 丙寅丁酉是天德在丁月德在丙印綬在寅一命庚  
 申庚辰庚子壬午是天德月德俱在壬印綬在辰是  
 也此格大要生旺最忌死絕如甲乙見亥子為印見  
 金成其仁義生養印元見土則混雜其格運行西北  
 官印為福若時引歸卯辰巳地或運行此地則印歸  
 死絕流年再遇財尅印決入黃泉無疑印綬合格行  
 大運最怕印綬變了遇地支三合或變為傷局或變  
 成財局或變成殺局最為不吉賦云金賴土生土厚  
 而金遭埋沒木從水養水盛而木必漂流火炎土燥  
 則不能生物如巳日得剛金不能生水如庚日得旺  
土見旺火逢此必主眼疾癰疽熱病糞土不能生金

燥金不能生水絕水不能生木遇此宜詳看不可一概印綬論若水得金生而逢秋乃水清金白秀麗堪誇一水三金號曰體全之象火得木生而值春為木秀火明發焰紅綠見金則傷其木滅火之焰是金木二印多者俱作吉論若火印多者火燥土烈水印多者水泛木浮土印多者土重金埋皆不為吉又云甲日子月忌己巳時怕午衝乙日亥月忌戌辰時怕巳衝丙日卯月忌辛卯時怕酉衝寅月忌庚寅時怕申衝丁日寅月忌庚子時怕申衝卯月忌辛丑時怕酉衝戊日午月忌癸卯時怕子衝己日巳月怕壬子壬戌時忌亥衝庚日午月忌己卯乙酉時怕子衝己月忌戌寅時怕亥衝辛日巳月忌庚寅午時怕亥衝午月忌辛卯乙未時怕子衝壬日酉月忌丁未時怕卯衝申月忌丙午時怕寅衝酉月忌丁巳時怕卯衝以上十干皆喜見比肩疎通忌見食傷銷印生財犯此物運又臨身印衰鄉財旺之地必然貪財壞印剝官退職經云印綬財星重見百事難通又云月印純粹無財星主文章中黃甲又曰身旺印多財運無妨身弱有印殺運何傷又曰印綬有根喜遇財星印綬無根忌見財曜官星者印綬之根也印綬有官有財則財生官官生印印生身身尅財則榮貴故不忌又云印綬有根逢財則發逢官則顯逢合則晦逢衝則災總善篇云生氣印綬利官運畏入財鄉又云月生日干運行不喜財鄉獨步云印綬無根遇生發福若見多根福亦不足運限逢財破家失祿又云印綬根輕旺中榮達印綬根多旺中不發又曰印綬比肩喜行財鄉印無比肩畏行財鄉又云印綬逢財比肩不

忌天元云身坐休囚不扶不濟天元無氣却宜中下與隆通明賦云印綬遇殺吉甫補六龍之衰又曰財印交錯論其氣稟之輕重若財輕而印氣重捨財取印其貴可知倘若印氣輕而財氣重捨印取財雖有背祿支干重旺反作資財又云月印附日無財氣乃為黃榜招賢又云文章顯著榮登黃甲姓名香文章印元機云身旺印多喜行財地又云印旺官生聲名特達寶鑑云印綬重逢比老彭之壽幽微賦云印綬逢生母當賢貴又云幼歲離母只為財多印死又云印綬多而子息稀幽元賦云印綬衝而財星重身有車塵之苦寶鑑云四柱印多財露太公八十遇文王又云印綬逢財身比劫縱有財多福不全藏印露財身自旺功名榮顯福須完又云印綬財傷母年早喪又云貪財壞印喜行比劫之鄉與旨云印綬太過不喜再行身旺地又云印綬被傷失宗業拋離故里格釋賦云印臨子位受子之榮千里馬云逢印看官而遇官十有七貴又云財星破印宜逢比劫之宮又云財印混雜終為守困骨髓歌云若是逢財來壞印懸梁落水惡中亡印不逢財身不死如前逐一細推詳身命賦云貴人佩印定須文武兼資驚神賦云有印無官享見成清高之福又云知文能武天德貴人印綬日主德貴兼全佩月支印綬為妙玉匣賦云華蓋與文星共會管仲為佐霸良臣造微論云印綬逢華尊居翰苑又云印旺官生必秉鈞衡之任搜髓論云印綬太多身更旺為人刑尅主貧孤若得官殺財相會亦為超邁貴人扶定真篇云印綬得劫財為貴又云殺化為印早擢高科要訣云官印在刑衝之地

意亂心忙心賦云印綬主多智慧豐身自在心慈開化章云印綬者畏見財星得羊刃劫財必反為禍淵海云財多用印運喜比肩之地印守提綱却要殺神相輔萬祺賦云正印見財則凶逢官則吉有官無印雖富貴而傷殘有印無官縱榮華而有失四柱愁逢死絕三元喜見長生古詩云印綬之星福最殊更有權殺在何居忽然併守居元位聲振朝廷位不虛此言四位集又印綬生居被殺同殺同心膽反相雄運亨便有軍中職只恐將來不善終此言凶殺也又命逢印綬福非輕年少從容享見成旺相印多偏福厚受恩承廕立功名又月逢印綬喜官星運入官鄉福必清死絕運臨身不利再行財運百無成又印綬無虧享福全為官承廕有莊園官膺宣勅益財谷日用盤餐費萬錢又重重印綬格清奇更要支中仔細推支上咸池干帶合風流浪蕩破家兒又印綬重重享見成食神只恐暗相刑早年若不歸泉世孤苦離鄉宿疾繁又印綬多根不畏財喜逢比劫福胚胎印星敗破官來救福壽平生命帶來又印綬不宜身太旺總然無事也平常除非原命多官殺却有聲名作棟梁又印綬千頭重見比如行運助必傷身莫言此格無奇妙運入財鄉福祿真又印綬忌行死絕地最怕財旺落財鄉歲運月支重臨會却主斯人定喪亡又印綬生人旺氣純官殺多逢轉精神印行死絕並財地無救終為泉下人又丙丁卯月多官殺四柱無根怕水鄉濕木不生無焰火身榮除是到南方丙人用卯月為正印若四柱官殺多則水太旺木雖生於水而濕木又不能生火故喜南方身旺運

如丙人卯月行子運雖為官運反足以壞印觀此印殺利官運之說不可執泥

木逢壬癸水漂流日主無根枉度秋歲運若逢財旺地反凶為吉遇王侯

如乙生亥月壬為正印若日主無根又遇水旺之月為漂流之木元理云水泛木浮者活木此反足

為禍必須行財運以土制水乃能為吉觀此印殺畏入財鄉之說又不可執泥

壬癸逢申嫌火破局中有土貴方知北方水運皆為吉如遇寅衝總不宜又壬癸逢甲本月金支干有土

福為真十分火重宜西北外者休來望子神

壬癸遇申月本為印殺但柱有火神則財能壞印

須柱中有土生印又運行北方水神方能去火全金如遇寅衝申則提綱被傷禍即生矣若火神不

重亦不宜行子以金死於子必十分火重方可此即用金愁水去病去盡之意

戊己身衰喜見寅生逢官殺必榮身如逢火土與名利運至西方怕酉申又辛日丑月為印殺干癸酉提

一般神辛金喜火嫌西北癸水宜金怕火侵又壬癸生逢七八月財多土厚北方奇無傷無破宜行水帝

旺臨官反不宜又丙丁卯月身星健大怕庚辛酉丑傷水運漸興木火旺西方行運定災殃又印殺如逢

月內運定因庇蔭顯英豪多能少病謀須大有印無官福亦高上下最宜逢鬼旺中間切忌與財交運臨

死絕身無托即入黃泉不可逃合諸說觀印殺喜忌見矣

鬼化為印

經云既濟鬼化為印殺天下登科第一人如乙丑癸未丙子乙未丙臨子位坐官丙為火神子為水神各曰既濟年月時一丑二未皆為己土為傷官鬼殺銷印柱有二乙二未木庫結局運逆行至印旺鬼被印化尅故主大顯

陽刃化印

經云戊日午月勿作刃看時歲火多却為印殺是戊以午中己土為刃有丁火生助同歲時之火化作印殺不以刃論大忌水財尅制火神變為日刃發禍尤

重日刃是自逢劫奪有殺制伏便是合殺為貴無殺制伏見財必爭如君子逢強盜無財可保其身有財

必被其害如戊寅戊午戊戌戊辰戊申戊子戊午為刃日時皆是午火當以凶論却得年支寅申甲木制

刃生火寅午又會火局化成印殺柱中全無壬癸水局傷損印殺又喜戊字比肩多雖歲運遇財亦分奪

疎通不能壞印故大貴

時逢生印

如甲日子時取子中癸水為印資助日主其人足智多謀安享食祿年月上要見辛官生印運行西北官

印乃為貴命若柱逢戊己土重更有午字衝破運歷東南官印衰絕百事無成公吏肆市人也

胞胎印殺

經云胞胎逢印殺祿享千鍾如庚寅辛卯丙申乙酉等日時月令逢印殺之地主貴經云時日胞胎格月

通印殺逢殺官印運助職位列三公

棄印就財

經云棄印就財明偏正印殺忌財此理甚明正印居

月令者決不可見財若居年時月令見財只用財格喜印生身敵財為福若偏印月令年時見財無妨為棄印就財捨輕用重如壬生申月丙生寅月坐長生之地年時得財即身旺喜見財地如此造化必主棄祖基而自創別業立身

論倒食一名吞啖殺食神最忌見之

倒食即偏印之謂一名吞啖殺食神最忌見之如甲生丙火為食火能生土為甲之財財旺生金為甲之

官食神生旺財官備矣今甲見壬為倒食者壬旺則尅了丙火丙被尅去不能生土甲無財矣壬合起丁

傷甲之辛甲無官矣壬尅去丙庚殺得安來傷甲木甲生災矣所謂用食忌見者此也凡命帶倒食福薄

天壽若有制合如甲日見壬辰壬戌辰戌中有土制丁合乙日見癸未癸丑丑未中有己制癸丙日見甲

申丁日見乙巳乙酉戌日見丙子丙申丙辰己日見丁亥庚日見戊寅戊辰辛日見己卯己亥壬日見庚

午庚戌癸日見辛巳辛未此等偏印不能為食害有尅制故也柱中身旺財官俱生可取為補助身陽日

逢之能暗合傷官生財陰日逢之能暗合財星柱中無食只以偏印論又日凡命有食遇梟猶尊長之制

我不得自由作事遲退懶懶有始無終財源屢成屢敗容貌欹斜身品瑣小膽怯心虛凡事無成尅害六

親幼時尅母長大傷妻子賦云倒食者名為偏印號曰梟神值身旺而財豐福厚遇刑殺則壽夭身貧財

星若見披星帶月不停雷殺星若生地擔息肩無定日身弱重逢偏印須愁顏子之傷正食若遇梟神未免韓信之禍始遇者精神慵懶重犯者容貌欹斜萬



祺賦云梟神見官殺多成多敗偏印遇財曜反辱為榮身旺為貴身弱乃常有傷官而平生豐潤值食神則處世伶仃元理賦云丁逢卯日遇己土饜食之人相心賦云梟神當權使心機而始勤終怠好學藝而多學少成奧旨賦云年時月令有偏印凶吉未明大運歲君逢壽星災殃立至絡繹賦云梟居祖位破祖之基古詩云印星偏者是梟神柱內最喜見財星身旺遇此方為福身衰梟旺更無情如丙戌丙申甲戌壬申甲見丙食又見壬倒食甲申甲戌受殺制無氣二丙竊氣壬水制丙殺得施行故主無名利又如壬申壬子甲戌丙寅會印歸祿水精火神之妙木火通明之象又己未壬申甲子丙寅以殺化印歸祿得秀木火通明水木清奇二命俱大貴前忌倒食逢制合反貴切不可一見倒食便以凶論

論雜氣

喜身旺 刑衝 忌壓伏

雜氣者乃辰戌丑未辰中有乙戊癸為水土庫戌中有辛戊丁為火庫丑中有癸辛巳為金庫未中有丁己乙為木庫各隨所藏之氣而言看我日干或為官或為財或為印官係福身之物財是養命之源印乃資身之本在人最為切要四庫各藏三件乃天地不正之氣故以雜言也經云財官印綬全備藏蓄於四季之中是也此格喜透露刑忌壓伏其餘喜忌消詳與前正氣財官印同假令六甲日生得丑月以丑中辛金為官己土為財癸水為印看天干透出何字為福次分節氣淺深何物當令大概透財者富透官者貴印綬享父祖見成之福受宣勅蔭庇之貴如無

透出衝刑少許兼身旺為妙忌身弱衝刑太過則福聚之氣散矣如柱元有破害之物再不可遇此等運再行則為太過衝壞秀氣反不為吉元無破害喜衝刑運景鑑云雜氣財官身旺有衝而發若太過反受孤貧是也又云雜氣財官格要四柱財星多便為好命若四柱別入他格依他格斷又云雜氣財官有正官格偏官格正財格偏財格雜氣印綬有正印格偏印格須分偏正若偏官旺亦要少許制伏則可若墓庫重疊元無刑衝不透貴氣兼有戊己壓其上最難發於少年故曰財官鎖閉少年不發墓中人是也又曰四庫亦是衰養冠帶之鄉若時上見為時墓格與月上同論但發較晚如丁亥戊子丙申己丑丙用丑墓為財庫行未運衝丑庫發財見壬辰為官庫至戊運衝辰庫發官倘柱中別有戊辰己丑壓伏庫上則不能發財發官難作好命看若有衝見合則又不能衝矣又曰月臨庫地東南西北四隅之氣如未木行東方戌火行南方辰水行北方丑金行西方臨庫墓運行生旺之地必發如月臨辰水氣運轉南方不見會合只以土論又曰古人以五行墓處為倉庫若命中帶倉庫遇太歲所剋之五行加之如木人得辛未火人得庚戌土人得壬辰水人得甲辰金人得癸丑是謂庫中有財其人必豐富若命帶墓絕而反值太歲所畏之五行加之如木人得乙未火人得壬戌土人得戊辰金人得己丑水人得丙辰謂之絕處無依其人必連滯若五行通相庫墓純粹而不破又有福神加臨此兩府之格也若破而生旺破而死絕有福神加臨則減退斷之若剋破而無福神只是百姓此

庫墓格局不問貴賤只是一生自己榮旺不利六親仍難得子息有庫頭鬼乃甲乙人見辛未忌丁巳丙丁人見壬戌忌戊寅戊己人見甲辰忌庚寅庚辛人見丁丑忌癸巳壬癸人見戊辰忌甲寅一名軒車殺若犯所忌主車破輪馬折足婦人疾厄常人致盜神白經云生日犯之得用若遇時不犯忌多主富貴君子早年科甲常人藝業出眾有庫頭財乃甲乙人己未丙丁人庚戌戊己人壬辰庚辛人乙丑壬癸人丙辰君子多主錢穀之任常人家業從容即透出財官論也如金見己丑火木見乙未金水見丙辰土土見戊辰木火見壬戌水如此之格即墓中逢鬼危疑者甚獨步云辰戌丑未四土之神天元三用透旺為真又云財官臨庫不衝不發四柱之干喜行相合玉匣賦云財庫臨三合之地石崇作萬金之主元機賦云雜氣財官刑衝則發千里馬云辰戌丑未遇刑衝無人不發通明賦云主臨官庫財墓開則榮封爵祿閉則慳吝資財搜髓論云財星入庫主聚財古歌曰雜氣財官用月宮天干透露始為豐財多官旺宜衝破切忌干支壓伏重又辰戌丑未為四季印綬財官居雜氣于頭透出格為真只以財多為尊貴又雜氣從來自不純天干透出始為真身強財旺生官祿運入衝刑聚寶珍又月令提綱不可衝十衝九命皆為凶惟有財官逢墓庫運行到此反成功又旺處生來墓庫絕墓庫發來生旺脫生逢生旺過非宜墓庫逢凶終不撥又官曜財星俱不露却宜破害及刑衝更詳勾引成何局又分上下與中旬又時墓逢官主發遲喜逢衝剋最為奇鎮壓不來臨貴處官高職顯兩相

宜又北方壬癸遇河魁南或加臨丑吉時倉庫豐盈  
 金玉滿優游處世福相隨又若問財官墓庫時辰戌  
 丑未一同推財官俱要開庫鑰壓住財官未是奇又  
 要知何物能開庫衝刑破害是鑰匙露得財官方得  
 用身衰鬼墓甚危疑又少年不發墓中人皆為財官  
 閉庫門破害固能開鎖鑰壓藏終是受苦辛丁壬本  
 取辰為墓戌土來傷富作貧乙卯甲寅同救濟財星  
 湧出自然榮又曰雜氣財官與印同格中最忌鬼財  
 重但宜我多生為上雖喜逢他要得中若是財多宜  
 退職如逢官旺福無窮貪財壞印君須記蝸角蠅頭  
 枉用心又財官雜氣庫中藏最喜生身入旺鄉殺重  
 身輕互制伏財多庫實要衝傷五行有取尋他格四  
 柱無情反有狀歲運若臨財旺地聲名日進甚高強  
 又甲乙生居丑月中無根金旺不為凶重行金水功  
 名顯火土相逢破本宗又丙丁丑月藏官殺四季無  
 根忌水鄉運到震離兼有助須當福祿自高強又戊  
 己生逢十二月傷官財格當時發重行金水格清奇  
 運行火土多周摺又庚辛丑月印殺旺火土生臨福  
 壽齊壬癸天干會透出却逢戊己始相宜又壬癸居  
 干生丑提提藏官印格中奇順行辰巳與名利逆走  
 西方壯福基又乙干提丑支金合殺旺身強格局高  
 金水行來名利厚水鄉火地失堅牢又丙日多根丑  
 月逢財官藏在令提中水鄉有旺金鄉吉火土南方  
 總一空又火日身強丑月中天干壬癸却相逢福輕  
 命薄皆逆受若顯名高喜順官又三月干支日土金  
 重行木火福還深忽逢壬癸無根至身弱財輕禍亦  
 侵又丙丁日主月逢未金水雖凶未必凶木火土鄉

須富貴再來申酉禍重重又九秋戌月藏火土庚辛  
 不忌日無根格中若有財印出運至東南福祿臻又  
 甲乙逢秋九月生木衰金旺怕庚辛如行木火興家  
 計金水財鄉禍不禁又戊日戌生藏火土或行南城  
 或行東不分順逆東西走大運由申壽必終又財官  
 印殺藏秋生官旺身騰見卯寅順走北方愁子丑逆  
 行西怕酉和申又偏官偏印最難明上下相承有利  
 名四庫生時為最美等閉白屋出公卿又四季財官  
 內伏藏刑衝破害要相當太過不及皆為禍運入財  
 鄉大吉祥合諸說觀雜氣喜忌無餘蘊矣

附論墓運

祕訣云幼年不宜逢墓庫老年值此却豐隆又云旺  
 官旺印與旺財入墓有禍傷官食神並身旺遇庫興  
 災又云旺殺入墓壽算難延可見凡官印傷官七殺  
 為用神者俱忌行墓庫之運惟晚年行自庫之地則  
 吉賦云老行墓地晚景悠悠是也

欽定古今圖書集成博物彙編藝術典  
第六百六卷目錄

星命部彙考四十二

三命通會十四 論傷官 論食神 飛天 藏星 貴人 食神 同稟 食神 帶合 專食 合祿 紅鸞 天印 墨池 涌泉 專印 合祿 論陽刃 論建祿

藝術典第六百六卷

星命部彙考四十二

三命通會十四

論傷官

喜身旺 財星 印綬 傷盡 忌身弱 無財

刑衝 入墓 梟印 名一 剝官神 名二 羊刃殺

傷官者我生彼之謂乃甲見丁乙見丙之類甲用辛為官丁火乘旺盜我之氣剋制辛金使不輔甲為貴故名傷官傷官格務要傷盡方作貴看元有官星傷之則重經云傷官見官禍患百端是也傷官雖凶乃我所生自家之物傷盡則能生財財旺則能生官造化展轉有情如月令在傷官四柱作合結局皆在傷位無衝無破不見一點官星謂之傷盡又有月支傷官時上傷官四柱無官星亦謂傷盡更身旺財旺或印旺名標金榜一品貴人此格主多材藝傲物氣高心險無忌憚多謀少遂弄巧成拙常以天下之人不如己而人亦憚之惡之傷官無財主貧窮蓋生財氣者即食神傷官盜財氣者即七煞官星所以傷官要

見財不要見官假如甲生午月木不南奔身勢太柔豈可再逢金制金能盜土之氣所以不要見官既無官星而柱却無一點財可恃雖聰明機巧不過虛名虛利經云傷官無財可倚雖巧必貧是也傷官格用財亦有印者天元賦云傷官用印宜去財用財宜去印倘使財印兩全將何發福身旺者用財身弱者用印用印者須去財方能發福用財者不論印亦主亨通傷官用印不忌官殺去財方發元犯傷官須要見財則發傷官最喜行財運印綬身旺次之不喜行官鄉四柱傷官多而見官者不宜復行傷運一位無妨又曰傷官格務要傷盡若柱見傷官而官星隱顯傷之不盡歲運再見官星官來乘旺再見刑衝破害刃殺殺身身弱財旺必主徒流死亡五行有救亦殘疾若四柱無官而遇傷殺重者運入官鄉歲君又遇若不目疾必主災破經云傷官疊見正官必為師冕又云四柱傷官運入官鄉必破又云傷官復行官運不測災來是也又曰五行傷官惟火土傷官土人金傷官忌見官星若金人水水人木木人火不忌蓋火以水為官以土為傷水畏土土得土無益土以木為官以金為傷木畏金金得木無益所以火土傷官格忌見官星金以水為傷以火為官水雖尅火若金寒水冷不得火溫難以濟物水得火成既濟之功水以木為傷以土為官木雖尅土若水泛木浮不得土止難以存活况木得土成栽培之力木以火為傷以金為官火雖尅金若木繁火熄不得金削脫難以通明况金得火成器物之象所以金木木傷官格不忌官星故經云傷官火土宜傷盡金木傷官要

見官木火見官官有旺土金官去反成官惟有水木傷官格財官兩見始為歡是也又曰傷官傷盡亦有不作福者傷官見官亦有不作福者如一命丁未丁未丙午丙午日坐午日主自旺有二年二丁二未財官俱傷雖傷官傷盡奈四柱火氣太旺竊氣又重運行東南火旺之鄉無一點財氣身空旺無倚至貧之人切不可見傷官傷盡身旺便作好命看又如甲日生人柱有辛為官又有丁傷官若生秋月官旺雖逢丁火或居亥子之上或見午伏壬癸之下則丁不能傷官終為有官爵之命歲運遇剝官印綬俱吉忌身衰敗運切不可見傷官格有官星便不作好命看又曰人命原有些小傷官不能損貴氣或運入官鄉官自旺強健或入印運制伏傷殺或有財生助或從化入於別格不失為好命怕再行傷地病而不起者有之否則文書口舌官事破財殃禍踵至柱元有財又行財運亦可成就功名利祿一行官殺地或財衰敗死絕地即失財祿非官訟則喪服重併又曰四柱傷官惟年干傷官最重謂之福基受傷終身不可除去若月支更有甚於傷身七殺如甲日生人以辛為官見丁卯年生寅午戌月是傷官重犯又有卯為劫刃名背祿逐馬主為人退悔反傷祖蔭運行官鄉流年再見或殺旺身弱運必禍若月令真正傷官又見官星如甲日生午月見辛未時午中丁火傷辛乙日生巳月見庚或甲申時巳中丙火傷庚丙日午月見戊子癸巳時午中己土傷癸之例大要日主健旺再臨傷官運可發名利日主微弱運歷財官鄉禍不可言又曰傷官如甲日見丁喜壬合癸破乙見丙喜辛

合壬破丙見己喜甲合乙破丁見戊喜癸合甲破戊見辛喜丙合丁破己見庚喜乙合丙破庚見癸喜戊合己破癸見甲喜己合庚破萬祺云傷官元辰無官星又行傷官運此為竊氣太過即一木疊逢火位各為散氣之文非貧則天喜身旺及官鄉傷官見官再刺再滯運入官鄉局中反吉即傷官傷盡却喜見官星傷官若帶財見印禍不輕傷官若帶印官殺不為刑傷官多者宜行印即食多用印傷官少者又行印鄉即梟神奪食傷官若帶印不宜逢財傷官若帶官不宜行制伏傷官用財不宜行比劫傷官用印不宜見官殺傷官若見官星重疊莫作官星論傷官用官在年月必要剝官運在日時不宜被傷一見被傷禍不可言不可臨墓住壽難延獨步云傷官見官為禍百端運限去官必主高遷又云傷官無官遇剝則滯運行官鄉局中反貴又云傷官有財子宮有子傷官無財子宮有死又云傷官之格命中大忌帶印帶財翻成富貴千里馬云傷官見財者又官高而財足又云傷官見官妙入印財之地又云傷官逢財而有子相心賦云傷官傷盡多藝多能使心機而傲物氣高多詭詐而侮人志大觀高骨峻眼大眉粗定真篇云傷官若見印綬貴不可言舉善篇云日主傷官歲入傷官當破面景鑑云傷官無財而帶刃行奸弄巧通明賦云重見傷官身必辛勤勞苦又云傷官多而身旺無依定為僧道藝術之士幽元賦云傷官有財而佩印豈不作一品之官元機賦云傷官傷盡行官運而無妨寶鑑賦云日露傷官特露財功名榮顯肅鳥臺秘訣云傷官太重子必有虧又云年帶傷官父母

不全月帶傷官兄弟不完時帶傷官子息凶頑日帶傷官妻妾不賢又云傷官傷盡論主與隆身旺則吉身弱則凶又云傷官泄氣本為敗神臨身旺財乃吉遇官盛無印則凶傷官不盡須防不測之災傷官逢財乃享優游之福七殺同來疾損須憂身旺無依孤尅難免傷官遇劫聚財如柳絮隨風傷官無印求利似荷錢擊雨古歌云傷官原是產業神傷盡真為大貴人若是傷官傷不盡官來乘旺禍非輕又月令逢官在傷鄉傷輕減力尚無妨若見刑衝併破害定知為官不久長又傷官傷盡復生財財旺生官互換來四柱若無官顯露便言富貴莫疑猜又傷官其志傲王侯好勝場中強出頭路見不平須忿怒抑強扶弱不干休又傷官遇者本非宜財有官無是福基時日月傷官格局運行財旺貴無疑又傷官傷盡始為奇又恐傷多反不宜此格局中干變化推詳須要用心機又年上傷官實可嫌重則傷身壽不延傷官傷盡生財貴財絕逢官禍必連又年衝月令須離祖日被提衝必損妻時日暗衝妻子尅無衝四敗一生低又傷官無官最忌剝運入官鄉反見奇歲運命中逢印綬誠為富貴定無疑又傷官不忌比肩逢七殺偏官理亦同若是無官當忌比如逢身旺却嫌重又庚日全逢寅午戌月逢子字是提綱如逢金木翻作福火土重傷破怎當又日主無根午上金月通亥子水來侵只宜印綬扶身旺何慮提綱損用神又癸日無根木月中局中有火反成功當生不見南離物火土行來數內空又丙丁日主戊中旬財透天干作用神此格傷官官喜旺只愁身旺反傷身又傷官傷盡復

生財氣質剛明實偉哉縱使祖財無分有等閑玉帛自天來又傷官傷盡最為奇福祿崢嶸亦壽彌歲運更行身旺地逢財身旺貴無疑又傷官不盡又逢官斬殺徒流禍百端月犯父子無全美日犯自己主傷殘時傷子息多狼狽須知富貴不周全若是傷官居太歲必招橫禍逢斯年合諸說觀之傷官喜忌盡矣

論食神

喜身旺 宜行財鄉 逢食看財 忌身弱 比肩 一名進神 二名爵星 三名壽星

食神者日干所生順數第三位乃甲食丙乙食丁之例甲生丙本為泄氣丙生戊為甲偏財偏財是天祿自然之財不勞己之心力享現成福祿甲丙有父子之道如子旺相生起財祿以奉其父母豈不安享又甲見庚為殺見戊為財其食神丙火能制伏庚殺使不得尅傷甲木能生戊財使為甲木所用凡命遇財殺之地食神旺相殺被食制不敢為禍財被食生充裕不竭故食神一名壽星一名爵星良有以也此格要日主食神俱生旺無衝破主人財厚食豐福量寬弘肌體肥大優游自足有子息有壽考四柱見財食在歲月上祖父蔭業豐隆在日時妻男獲福怕母子俱衰絕兩皆無成故經云食神宜食生食旺不可食衰食絕又云食神生旺勝似財官是也又曰食神大忌偏印為倒食主為人始無終容貌猥邪身材瑣小心性局促多慾無成假如甲見丙為食柱中有壬作甲木偏印尅制丙火不能生戊土不能制庚金使甲木受制退財豈不窘乎元理賦云食神制殺逢梟不貧則天一行云五行休廢遇奇救災禍必輕四柱

消息值平和福德增重若逢倒食之神決主財多耗散是也又曰陽日食神暗合官星陰日食神暗合正印官印不要明顯但得食神純粹主貴而有祿富而有壽食神只宜一位不宜太多恐竊本元之氣經云一木疊逢火位名為散氣之文是也食神多者宜行印運食少者不宜是梟神奪食故食喜旺祿相助月令建祿最佳時祿次之更逢貴人運行食神生旺之地大發福祿忌身衰梟旺柱中雖喜見財亦不宜多則不清不過一富翁而已食神重見變為傷官令人少子縱有或帶破拗性又不可入墓即是傷官人墓任壽難延大忌空亡更有官殺顯露為太醫師巫術數九流之士若食神逢尅又遇空亡則不貴再行死絕或梟運則因食上氣上生災翻胃噎食缺衣食忍饑寒而已又曰甲日食丙柱中無壬癸亥子方好如有水氣丙自受制屈伏於人己身不能卓立豈能生物以養其父如無此制又要生旺向祿如丙生夏月運歷東南火土俱旺其甲用財必厚若生三春甲旺丙火雖得生不知戊己氣薄須歷南方火土俱旺方許發福又如庚以壬為食運歷北方水旺之地發財必厚東方木旺之鄉發福必緊細論之庚以壬為食長生於申當斷申地福重暴敗在酉壬水至酉便不為佳以壬生甲木為庚之財即自生分發身之財非婚配正妻之財甲至酉地為木困金鄉壬木自敗木豈能助養其父當斷此運平行至戊運如干遇壬甲亦只斷其半吉半凶逢戊可斷其有災見庚可斷其微福亥運當言其大吉子運癸水傷官傷重泄本身之氣又庚死於子甲敗於子當斷生禍身災運

至丑庚金之庫木旺之鄉又有己丑助庚甲冠帶成人之地可斷此十年發寅運亦吉卯運有災餘倣此推又曰食神忌梟亦有不畏者如己亥不畏丁倒食丁與壬合化木而壬祿在亥丙午不畏甲倒食甲與己合化土而已祿在午乙巳不畏癸倒食戊化火乙巳亦火癸巳不畏辛倒食丙辛化水癸貴在巳庚為衆陽之首不畏戊倒食戊陽氣歸源之數見戊作喜神論己不倒食辛陰氣初發散之源庚不倒食壬陽氣初發散之源辛有丁不畏己倒食為丁養育辛金也況有丁處便有己土陰陽干涉得清福之助故六辛人切要丁但從寅遁至辛人本祿位方知用丁為祿更月是金家己土火裏長生故知要火為文貴金無父母借火處有父母之氣故也或問十干以隔一位為食神何也希尹曰甲己化土故食丙辛丙辛化水故食戊癸戊癸化火故食庚乙庚乙化金故食壬丁壬丁化木故食甲己化氣相尅而食食神者十干福祿之會君子得之顯達豐贖小人得之周旋給足在福聚之地則官崇祿厚在禍聚之地則職卑命薄如以甲子論食丙子為福星之貴食丙寅為長生之祿又為祿馬同鄉食神學堂之貴丙辰為正印丙午為自刑破命丙申為尅身破祿丙戌為身衰破空亡餘干例推若遇生旺庫印天乙天官華蓋文星學堂官印祿馬之類為福聚之地遇尅破空亡惡殺刑害休敗死絕為禍聚之地若有華蓋正印雖少增培無學堂驛馬雖多減半清貴之家驕奢之族以是別之又曰甲乙食丙丁加寅卯巳午之上丙丁食戊己加辰戌丑未之上戊己食庚辛加巳午申酉之上庚

辛食壬癸加申酉亥子之上壬癸食甲乙加亥子寅卯之上謂之食神見生旺更帶祿馬旺相文為兩制兩省武為建節防團無亦主財帛豐厚食神與祿全見四柱順當為妙指迷賦云食神一處當用一代於三若遇休閑三重不逮於一食分三三財如落葉秋風梟遇一重福似朝菌暮落食神若遇空閑大抵難逃憔悴理愚歌云子返哺時逢子建更值貴人喜相見建官又在貴人鄉鳳閣鸞臺歷華選返哺者年月日時皆自下食上見天乙官印吉殺主貴壺甲子云食神嫌倒爭啜爭哺忽併臨之乏癯乏乳有餘則食前方丈不足則單食豆羹又云犯倒食在命多被人撓重疊帶者在幼兒則言乏乳在老人則言缺食正食而有餘者富貴爭食而不足者貧賤有餘如甲人得兩丙三丙不足如三甲兩甲止有一丙之類又曰凡生時干倒食年干者曰吞主尅子日時俱食主頭面帶破并尅母死後無子送終若吞中逢吞如甲人見壬日時又逢庚字主貧死溝壑有干合解則緩獨步云食神生旺勝似財官濁之則賤清之則恒重則不足擬作傷官泄氣無用分詳多端相心賦云食神善能飲食體厚而好謳歌口賦云食神帶旺賢與旨賦云月令值食身健旺善飲食姿質豐肥四柱有吉曜相扶堆金積玉聲名顯著又云食神旺處劫財多更逢偏印尅食神非壽夭須知化幽微賦云食神旺相老壽彌高元理賦云食居前殺居後功名顯達寶鑒賦云月露食神時露官榮顯烏臺助國臣秘訣云食神一位勝似財官戊日庚時不宜火旺三車云食神怕食耗食空最喜食庫食祿心鏡云壽星合處

得其真此說不虛陳一座食神身坐官三監九卿看萬祺賦云食神名為吉曜制殺號稱壽星干強食旺富貴之士食旺身衰贈贈之人逢財旺則食前方丈遇印綬則飢底生塵見一位者鐘銘鼎鼎二三位者陋巷算瓢羊刃重臨平生勞碌刑尅相會一世奔波古歌云食神制殺吉非常財旺妻榮子更強柱中若無吞陷殺管教金殿佐君王又食神逢祿號天府衝尅空亡官殺無死絕運臨偏印地壽星合處福交孚又食神食退好烟霞食馬心馳別立家或食貴人併食祿名高醫重福無涯又食神印綬不宜逢惟見財官福更隆食神喜行身旺地逢梟遇比總成空又食神生旺最堪誇惟有水木土金佳官殺更無來混雜平生衣祿享榮華又食神居先殺居後衣祿平生福最厚殺近食神却有殃終日塵寰漫奔走又壽元合起最為奇七殺何憂在歲時禁凶制暴干頭旺此是人間富貴兒又甲人見丙本盜氣丙去生財號食神心廣體胖衣祿厚若臨偏印主孤貧又食神有氣勝財官先要他強旺本干若也反傷來奪食忙忙辛苦禍千般又食神生旺無刑尅命逢此格勝財官更得身旺逢財地青春年少步金鑾又食神無損壽綿長庶母逢之不可當若無偏財來救護命如秋草帶冬霜又食神月上號天廚人命逢之富有餘切忌梟來明滅福最嫌衝去暗消除生財化鬼兼無病制殺為祥信有儲士子如逢科甲第官封要職領天書合諸說觀食神喜忌見矣

飛天祿馬

喜忌篇云若逢傷官月建如凶處未必為凶內有例

祿飛衝忌官星亦嫌羈絆此格惟有四日庚子壬子辛亥癸亥生十月十一月冬水純陰柱無財官方用又須月時或年與日同支方能併衝忌官星顯露祿難飛衝合神羈絆不能飛衝要柱中有一字合住方不走了貴氣喜傷官食神及干支本運假令庚子日庚以丁火為官在子月生是傷官月建可謂凶處若子字多衝出午中丁火則庚日得官星未可便以凶論柱要有未或寅戌但得一字合午為妙若有丑羈絆子去食合不能衝午中之祿見丁字為官露丙為殺顯午字填實戌吞陷則減分數歲運同壬子日日以己土為官要柱中子字多衝午中己土則壬日得官星其喜忌與庚子日同辛亥日辛用丙火為官癸亥日癸用戊土為官俱要四柱亥字多衝出巳中丙戌則辛癸得官星柱有申或酉丑但得一作合為妙多則不中有寅羈絆則亥食合不能衝巳中之祿見丙戌己為官星顯露減分數歲運同又曰庚子壬子二日不但忌上所犯庚子不喜木太旺為金沈水泛僧道貧苦之命或坐丑月得酉字合丑運行西方如意却不貴壬子不宜見財為壬遇丁而太過必犯淫訛之亂辛亥二日不論支下但見亥字多便能衝官辛日惟怕巳丙癸日惟怕己戌餘忌稍輕又曰飛天無合乃漂流之人有衝多是九流技藝之輩近貴而已既衝又合若犯前忌亦不入格歲運逢之甚者遭橫逆辛亥癸亥見之稍輕古歌曰正衝之格是庚壬子去衝官祿自亨四柱更逢寅戌未三字得一合功名又庚壬子月號衝官午動丁移己亦遷填實破刑俱不犯英名魁譽四方傳又祿馬飛天識者稀庚壬

重子貴非疑柱無羈絆官星現平步青雲到鳳池又辛癸衝官亥日重己中丙戌祿來崇更逢酉丑申居命得一合神便貴榮又日逢辛亥支臨亥酉丑加申合貴人四柱相扶無戊己威風千里振英聲又飛天祿馬少人知辛亥亥多最為宜不見官殺并惹絆少年富貴拜丹墀又庚壬二日重逢子辛癸年時遇亥多衝起飛天真祿馬無官無絆定中和又柱嫌丁丙並戊己巳午無蹤寅戌明不見丑寅來羈絆子亥衝官貴祿榮又亥逢辛癸子庚壬祿馬飛天仔細尋歲運若逢財旺地須當權職自高陞又飛天祿馬最難窮正要庚壬坐子重壬暗午中邀己祿庚虛離位就丁功風中同伴子難動戊要相牽午共寅庚忌丁神壬忌己若無此犯祿豐隆又辛癸生人喜亥重巳中丙戌得逢衝戊來合癸三元喜丙去伏辛四柱雄殺刃官空皆畏忌刑衝破害總朦朧若無填實虛有會豪傑英雄迴不同按此格止庚子辛亥是傷官壬子癸亥則非

倒衝祿

傷官月建內有倒衝祿馬格喜忌與飛天同惟時不論此格止有二日丙午丁巳夏月純陽丙以癸水為官要柱中午多有力衝出子中癸水則丙日得官星丁以壬水為官要柱中巳多有力衝出亥中壬水則丁日得官星更得丑寅或申辰卯未但有一字台住祿馬為妙多則不中丙午日怕未丁巳日怕申辰等字羈絆則巳午食合不能衝子亥中之祿柱有亥壬子癸為殺官顯露則減分數歲運同又曰丙午丁巳不論合祿只嫌羈絆年月併衝為上只日上有月內

無則不能衝祿取貴日上無月時有亦可取用但丙午是刃雖貴終凶一見合刃便爲兇命若月令亥子官殺合格或透官殺有氣旺相反取合殺爲大貴格不可專以日刃論不可全拘填實論丁巳日或見辛亥時柱中有巳亥不妨格以丁生四月巳旺亥無氣三月亦取喜行水鄉見火則福只宜巳火餘火不立又曰此格有六日丙午丙寅丙戌丁巳丁未丁卯陽日爲倒衝陰日爲正衝丙日只有午字却用三合寅午戌全或二丙字喜印生助忌殺混雜古歌云丙日無官局午多倒衝祿馬癸官和不逢未字來羈絆癸子俱無福嗟哉又倒衝貴氣不同倫丙午飛衝子祿神癸水尅來爲貴祿刑傷填實是常人又倒衝祿馬貴非常丙日多逢午位良七殺不逢并惹絆白衣平步入朝堂又丙日重逢午字多莫言羊刃失中和如行火土翻成貴見子刑衝無奈何又丁日蛇多是倒衝官星飛起出乾宮柱中不見亥壬子辰不雷蛇福貴隆又丁日衝官已要強亥爲壬祿貴人鄉柱中不見辰壬癸歲運相扶福祿昌又祿馬倒衝人不知丁逢巳火亥衝空柱無官殺併絆者年少榮華富貴奇又丁日多逢巳字重局中無水貴和同傷官此格左傷盡見亥刑衝數必空又此格無官亦自臨倒衝對位祿源深丙宜午盛能衝子丁用巳多堪倒壬巳既惡辰爲羈絆午尤嫌未是牽掄合神歲運忽相遇更見填實禍不禁詳諸詩止言丙午丁巳其餘四日並不論及是只以此二日倒衝爲正

天廚食祿  
乃甲食丙丙祿在巳乃食神位上就見祿曰天廚祿

須干支全見者方是若有丙無己有己無丙則非此不拘年月時又不專以戊日論所以與合祿不同人命五行有廚月令純粹四柱順食主福慧優遊更與財庫相會主享父母財帛居官食祿豐厚

福星貴人

乃甲人見丙寅丙子乙人見丁亥丁丑通得本旬中真食神主享受自然遇者非貴亦富餘例推前入作甲丙相邀入虎鄉歌是以年論故有丙寅丙子若以日遁則非

食神同窠

謂甲食丙甲子人見丙子之類十三位即同乃本家物也得此者不貴即富月不如日日不如時若互換生旺帶祿貴者大貴如韓魏公戊申庚申庚辰庚辰宋秦檜庚午己丑乙卯壬午明王崇古少保乙亥辛巳戊申庚申是也如創食本家甲子年見壬子時庚子年見戊子時亦貴但損子

食神帶合

謂甲人見丙有辛合己人見辛有丙合乙見丁壬庚見壬丁丙見戊癸辛見癸戊之例主爲官有權印

專食合祿

喜忌篇云庚申時逢戊日名食神干旺之方歲月犯甲丙卯寅此乃遇而不遇戊以庚爲食神庚祿在申食神健旺戊以乙爲官庚能虛合卯中乙木爲貴氣庚申二字合乙卯二字要無甲木傷戊土卯字填實寅字衝提丙字傷庚則庚申方能轉合歲月若犯甲丙卯寅壞了貴氣故皆不宜喜秋冬生食旺愛財星印綬怕衝刑破害與食格同純粹者貴填實減半戊

午戊寅二日難作此格月令若值財官當以財官論經云措筭垂紳事聖王專食合祿景鑑云格局合祿戊日申時畏寅卯而失貴氣逢酉未福祿非輕填實兮官居寂寞純粹兮位至公卿喜財星而怡印綬怕刑衝七殺官星古歌曰合神庚申戊日強食神干旺貴非常官星乙戊天元喜六害刑衝定主傷寅卯敗甲丙戕無衝無破坐朝堂運行丙戌生災害喪子刑妻不可當詩曰戊日庚申時上逢要無官印喜秋冬甲丙卯寅兼四字四營歲運怕同官按此格即天廚食神不必作合祿看王崇古尚書不犯甲丙寅卯錄於前高耀尚書甲戌庚午戊辰庚申年雖透甲月庚制之不犯寅卯丙字皆純粹二命較之高甲戊庚三奇王祿馬同鄉又天關地軸乾坤清夷所以官皆一品而王有邊功享用優裕又張光遠長史與王公止月癸未不同是資格惟建祿身旺最貴不拘秋冬生王公得之所以功名遠甚然張有學善詩亦美士也

紅鸞天印

謂丙食戊而得戊戌辛食癸而得癸丑壬甲辰乙丁未日時得之主富貴

墨池涌泉

謂辛巳得癸巳癸亥如陳朝議辛巳壬辰癸巳癸亥是也推此類丙寅愛戊寅戊申愛庚申己巳愛辛亥庚午愛壬申甲戌愛丙寅壬辰愛甲申皆同此格主文貴

專印合祿

乃六癸日申時經云暗合愁刑擊明逢怕尅衝正朝丹闕趨專印合祿宮蓋癸日見庚申時庚與戊同宮

虛合巳中戊土癸日得官星庚暗合乙木為癸日之  
 爵星丙戌同宮為癸之財三奇俱全忌戊己巳午及  
 丙尅庚寅衝申則減分數歲運同喜行身旺印旺金  
 水之運大發忌入火鄉格純無壞朝官宰輔之命如  
 胡懋功參將丁酉甲辰癸酉庚申是此格也歌曰專  
 印是逢癸日庚申暗合蛇官財官隱隱在其中祿運  
 時臨發動又時遇庚申癸日生此為專印合官星官  
 殺不逢無丙火印身食運顯功名又日干癸水時庚  
 申生在秋冬富貴人大忌寅來衝貴氣若生春夏惹  
 災迤按專印合祿雖非食傷分出與食同格故並論  
 之

論陽刃 前論羊刃殺與此參看

陽者陰陽之陽刃者刃之刃即祿前一位言旺越  
 其分故險竊詳甲人見卯卯中有乙木乙為甲弟能  
 劫其兄之財衝去酉中辛官合其庚妻庚乃甲之七  
 殺劫財衝官合殺所以至凶惟甲丙戊庚壬五陽干  
 有刃乙丁己辛癸五陰干無刃故曰陽刃惟見傷官  
 與陽刃同禍故乙見丙亦謂之刃以丙傷其庚官合  
 辛殺尅其乙木陰金尅陰木至毒所以凶與陽刃同  
 陽刃有三有劫財刃甲見乙是也不利財官格有護  
 祿刃甲見卯是也大利歸祿格有背祿刃乙丙是也  
 大利去官留殺局喜忌篇云劫財陽刃切忌時逢歲  
 運併臨災殃立至獨陽刃以時言重於年月日也假  
 令甲日生人時上見乙卯此是真刃命中既逢陽刃  
 傷妻破財災殃已胚胎矣流年歲運再遇羊刃是謂  
 併臨見已酉是衝歲君見亥未戌是合歲君陽刃凶  
 殺也大歲凶神也大歲得吉神相扶合則吉若陽刃

凶殺來衝合歲君是謂攢凶聚殺其禍難免經云陽  
 刃衝合歲君勃然禍至此之謂也中間亦要詳辨命  
 元淺薄遇此誠然若命旺秉氣深厚或有天月德及  
 赦文解救止有浮災亦無大咎或曰柱原有刃見衝  
 或合歲運再臨衝合大凶若歲衝合而運不衝合運  
 衝合而歲不衝合其禍減半論又曰日干無氣時逢  
 陽刃不為凶言生日天元臨死絕衰病暴取之地不  
 通月氣不能勝任財官若逢陽刃能劫財化殺譬如  
 兄力弱財重得弟分任則可勝其財而為我用所以  
 不作凶論夫身弱見財官固喜陽刃分財合殺若見  
 食傷身弱脫氣亦喜陽刃扶持若見印綬則非日干  
 無氣矣先言忌陽刃者身強力能任財故不喜劫奪  
 後言喜陽刃者身弱力不任財故不忌劫奪義各有  
 取此格與傷官相似凡命值之主眼大鬚黃性剛心  
 高無惻隱慈惠之心有刻剝不仁之意多帶宿疾食  
 暴不足進退狐疑偏生庶出離祖過房尅父傷妻或  
 見三刑或自刑魁罡全發跡邊疆如更無情或臨財  
 旺主凶若刑害俱全類皆得地又有救神貴不可言  
 又曰陽刃格大槩不宜財鄉怕衝起如戊日刃在午  
 忌行子正財運壬日刃在子忌行午正財運庚日刃  
 在酉忌行卯正財運獨甲日刃在卯行巳午並辰戌  
 丑未財運不妨忌酉運丙日刃在午行申酉庚辛丑  
 財運不妨忌子運是陽刃所忌之財戊刃午見子財  
 壬刃子見午財庚刃酉見卯財皆衝之財故忌之至  
 甲刃卯不忌戊己巳午之財且忌酉官矣丙刃午不  
 忌庚辛申酉之財且忌子官矣可樂謂忌財乎若天  
 干生官之財正為用神方且喜之豈可為忌心鏡云

陽刃重重又見財富貴饒金帛此之謂也或曰甲戌  
 庚見刃逢衝發禍多驗壬丙逢刃見子午衝多無禍  
 以丙見子壬見午俱為正官反作貴氣論也又曰甲  
 以己為妻財四柱却有卯乙己土受傷不能扶甲故  
 主剝喪妻子歲運復臨劫刃旺相誠所不免如別位  
 逢庚辛酉申庚能邀乙為妻即成眷屬不為甲之七  
 殺辛輔甲為貴能尅破乙殺反凶為吉經云甲以乙  
 妹妻庚凶為吉兆是也餘干例此又曰六甲日逢乙  
 卯凶辛卯吉甲申丁卯不為刃申中有庚合卯中乙  
 木為財若有財露亦凶丁火傷官乙木奪財歲運併  
 臨災禍不免乙酉日見庚辰時非刃乙坐庚下酉中  
 辛金制辰中乙木丙子日見甲午時非刃子中癸水  
 尅午中丁火丁亥日見丁未時非刃亥中壬水合丁  
 庚午日見乙酉時非刃午中丁火制辛壬午日見庚  
 子時非刃午中己土制癸辛巳日見戌戌時非刃己  
 中丙火合辛癸巳日見癸丑時非刃己中戊土合癸  
 以上諸日遇者不宜見刑衝破害無則以好命斷之  
 又曰陽刃者天上之凶星人間之惡殺喜偏官印綬  
 忌反吟復吟魁罡三合大率與七殺相似故陽刃喜  
 見七殺七殺喜見陽刃兩凶互相制伏猶正官喜正  
 印善類合善類為福經云殺無刃不顯刃無殺不成  
 殺刃俱全常人無有更身旺不見傷官為妙若命元  
 有殺刃歲運又逢或有刃無殺歲運逢殺反轉成厚福  
 發大禍如命有刃有印無殺歲運逢殺反轉成厚福  
 若柱無刃殺命合財官歲運復遇刃殺主一歲蹇滯  
 因財爭競兄弟分居離妻去妾若元無刃行刃運雖  
 不妨亦主有尅妻之事元有刃歲運切不宜再見及



傷官財地原帶傷官財星歲運再逢禍害極重身弱尤凶又曰日刃止有三日戊午丙午壬子與陽刃同法經云赤黃馬獨臥黑鼠守空房男妨妻女妨夫指此三日也不喜刑衝破害三會六合要有七殺相制再行官印鄉便為好命賦云日刃大忌衝合喜官殺相制合刑者凶遇印者吉有殺無刃施為有勇無威有刃無殺作事濁而不顯無殺遇殺竊恐禍患相侵有刃遇刃須忌災危相犯刃生身死其年難作吉推財旺官傷此歲不作凶斷又曰戊午日歲月見火多則以印綬論壬子日月時見子多則以飛天祿馬論丙午見午多亦以倒衝祿馬論取財官入格故日刃不為大凶此格當推提綱若月令合財官印綬或合他格或從化類當以他格斷不可拘以陽刃又自刃有三日癸丑丁未己未因坐下比肩陽刃飛刃有四日丙子丁丑戊子己丑因坐下衝出陽刃與前日刃喜忌大同年上陽刃與時上陽刃最重年上主破敗祖基不受父母產業平生施恩反怨時上主尅妻子晚無結果四柱再逢手足災疾月上稍輕日上又輕人命日子支帶財多日子衰弱時帶陽刃無害月帶七殺時帶陽刃日主有氣大貴如月帶陽刃時上微帶官星力不能制亦凶大率陽刃最壞造化既是好命却帶刃劫制按如法須還他發福後遇歲運併障或在刑合之位依舊有禍刃格福自禍禍自禍兩不相掩也又曰五陰干見五陽干為財財雖不尅妻亦主財帛消耗陰私口舌或小人相侵歲時見官殺或坐或透皆吉身弱逢之遇財受刑亦吉身弱行官殺財運亦妨若柱中原無官殺歲運再逢敗地因

財爭競兄弟分居遇此大吉餘同刃斷此格作事敢為無仁義若身太強見此便不為貴僧道命也又曰男命見敗劫又見傷官必尅妻子女命尅夫賦云敗財者比肩之曜劫奪之神財多身弱遇之為奇財弱身旺見之為禍有財遇劫運入財鄉自可成家無財遇劫縱非財年亦須見破元劫又遇劫運守窮途而恹惶身旺又加印助必榮華而發福又曰陽見陽陰見陰為比與陽見陰陰見陽為劫為敗二者禍患如一如人命比肩重犯馬劣人微謂之破財殺若日主健旺比肩坐弱必然我旺兄弟衰我得居居兄弟異處比肩坐旺我坐衰絕之地却喜比助弟兄弟榮華已必艱苦妻財衰弱太歲重運官亦失脫原有羊刃見比災重原無比肩大運逢之亦主破財傷妻又曰比肩一殺入格有根有財神印綬見之為禍無根有傷官七殺見之為福獨步乙傷官不忌比七殺要相逢無根喜比助身旺却嫌重又云甲乙寅卯月金多反吉昌不宜重見水火土保安康相心賦云劫財羊刃出祖離鄉外象謙和尚義內心狠毒無知有刻剝之意無慈惠之心心鏡云陽刃重重又見殺大貴登科甲元棧云陽刃極喜偏官制平禍亂訣云煞交刃兮掌兵權又云陽刃倘同生氣閩外持權生氣印身命印殺賦云陽刃持權必作邊庭將帥千里馬云陽刃偏官有制膺職掌於兵權又云男逢陽刃身弱遇之為奇又云羊刃七殺出仕馳名又云羊刃入官殺威鎮邊疆寶鑑賦云陽刃疊逢居陽月名成利就秘訣云陽刃重重有制伏一生富貴終身又云陽刃重逢印綬廉頗有百計之能又云支刃干官時月重逢官必

顯如甲人建辛通明賦云月刃日刃並時刃兼貴殺富貴榮身消息賦云小盈大虧恐是劫財之地玉匣賦云火金陽刃綠珠墜死於高樓又云陽刃重重三四必須患疾盲聾三車云陽刃持針離面賊驚神賦云滿盤陽刃必定分屍通明賦云印生兩刃終被刑定真篇云陽刃若逢印綬縱富而殘疾在身造微論云陽刃逢於五鬼定要重犯徒流余見犯羊刃殺者多譬如癸酉戊午庚寅癸丑丙寅庚寅丙午乙未丁卯癸卯甲子乙亥三命皆無目古歌曰陽刃在時莫看凶身輕反助却為中單嫌歲月重相見莫把生時作怒官又陽刃嫌衝合歲君流年遇此主災迤三刑七殺如交遇必定閻羅引出徵又時逢陽刃喜偏官若見財星禍百端歲運相衝併相合勃然與禍至門關又陽刃重逢合有傷主人心性氣高強刑衝太重多凶厄有制方能保吉昌又刃逢七殺墓官鄉惟怕刑衝祿不昌會合更逢財旺運預防災禍致身殃又比肩陽刃格非常要見官星與殺鄉元辰若無官殺制再行比劫禍難當又劫財傷刃不堪親四柱無財一世貧出姓歸宗還俗客不然殘疾亦傷身又日子旺盛於年月身旺專祿財官絕那堪劫刃又相逢百般機巧翻成拙又日子旺甚無依倚却喜歲運逢財地元命有財財發無財財壽夭折又財星輕弱刃剛強身旺之鄉大不祥鳳寡孤寒怨怒等閒妻尅兩三雙又氣神元旺日子強四柱無財被尅傷重犯空亡華蓋位繙袍冠冕拜虛皇又刃逢七殺運官鄉破害刑衝貴異常切忌合逢財旺地必遭災禍反刑傷又日中陽刃宜逢殺運轉財鄉貴必避刑害俱